

南平縣誌卷之六

兵防



居恒嘗疑夫古之兵與農合而後世何以必分  
農與兵而二之也古者兵出於田賦車馬徒役  
餽糧皆征於田此甚便於上而何以改絃爲孔  
子曰斯民也三代之所以直道而行也古今無  
異民豈井田可以治古而獨不可以治後世乎  
廼今而知兵農之不能不分蓋運會使之然也  
三皇五帝之時其民踴踴質而易馴如人生幼

南平縣誌

卷之六

兵防

一

稚時天機未漓篤愛父母東西南北惟父母所  
使農卽兵也可合也後世教化衰而民氣梗僞  
而難擾如人生強壯漸不如赤子時愛親之心  
爲篤借父耨鋤且有德色借母箕帚且聞詬誶  
有他故役令之恒譟譟不遷爲前也此農與兵  
所以不能不分爲二也後世之農使之自治其  
農且懈怠鹵莽治之若使之爲兵必憤事且必  
不赴昔者舜禹振旅七旬苗格不聞其誓衆也  
不待其慰藉之也至周而采薇出車必爲多方



慰解之楊水懷歸怨惡交作古今人不相及可  
概見矣然則何以使兵之無糜餉而收實效曰  
是在擇將而已有事無事皆須將才無事之時  
守城池保疆界護行旅皆其事也將之稽察密  
剔選當賞罰明訓練勤則兵不敢擾民而足以  
保民將之得人爲之也有事克敵致果將能身  
先士卒與士卒同甘苦得士卒信心得士卒死  
力此百戰百勝之術也將之得人爲之也南平  
漢晉兵制無聞唐宋設兵綦備明制衛兵民兵

南平縣誌

卷之六

兵防

二

皆苦民我

朝保大定功安民戢暴多餉以厚士卒慎選以重  
營伍百餘年間劍津四境包戈臥鼓實萬世無  
疆之休也豈不懿哉志兵防以塘汎類附馬兵  
勝並系之



兵防

閩自東漢建安八年吳始立南部都尉於建安福州始有都尉管南平舊屬會稽南部兵亦當屬焉

晉置典船校尉又有温麻船屯州兵南邑兵制未知誰屬歷久無考

唐武德三年始以延平為軍以延居咽喉總要之地屯聚閩兵於此

永平鎮在劍津北岸五代時王延翰置都鎮屯駐

南平縣誌

卷之六

兵防

三

閩城兵卒王延政僭號於建安召歸轄下改置

鐔州

南唐保大四年以制置使判鎮延平越二年升為

劍州以陳誨陳謙為使持節劍州諸軍事

游志云宋

以前延平有制置郡將之稱大抵知州事兼攝所謂節度之權歸於州武臣無專設也

宋兵制屢更大約有三京師曰禁兵戍州城曰廂

兵籍民為之曰鄉兵福建三軍曰水軍保節軍

崇節軍其在南劍與建汀者則保節軍是凡步

軍三千人

熙寧以後福建路水軍之額自水軍而下三並改號曰保節



後又益遣禁兵駐泊長吏兼兵馬鈐轄選武臣  
爲都監專主訓練時定諸路禁軍額福建路得  
四千五百人後改隸三十三指揮添至一萬一  
千一百五十人建炎以後禁兵在福建者有威  
果廣節之名廂兵有寧節豐國監之名鄉兵有  
槍仗手之名舊志南邑有威果廣節寧節營是  
南平亦有禁兵廂兵其時武臣有專官不盡如  
制置爲知州事所兼攝也又有侍衛司侍衛親  
軍馬步軍都指揮使所領步兵宣毅軍舊志後  
不載

南平縣誌

卷之六

兵防

四

又有些兵置巡檢寨籍民爲巡邏弓兵手故南  
平又有弓兵營

宋設各營

中軍帳

在城西北田坑廣節營後山乃凭高望  
遠之處宋紹興初葉文葉武以萬餘人  
從間道入寇郡守張翬建此以爲斥堠  
招捕使陳鞬重建

廣節營

在城西田坑  
廣濟橋

保節十五營

在招  
福坊

保節十六營

在建安  
門內

保節十七營

在仰愛堂側上  
三營俱城東



牢城營

按宋史諸路廂兵自騎射至平城其類凡百二十三其間因事募人圍立新額或因工作權酤水陸運送通道山險橋梁驛傳馬牧隄防堰埭及剽員直牢城皆待有罪配隸之人壯城專治城隍不給他役

寧節營

上二營俱在城西登俊坊

威果營

在城西北田坑上七營俱宋端平間郡守董洪建

關隘

黃墩關隘

城西二十五里

麻州頭關隘

城北梅岐里

寨

南平縣誌

卷之六

兵防

五

鹵水嶺寨

城西長砂上里背山枕溪上下壁立萬仞路僅通步險巖數折招捕使陳譚寨所此與中軍帳鴛鼻頭尖寨因警而設非如各營寨為經制也

鵝鼻頭尖寨

城北考窠嶺上十三峯平地聳起高十餘丈中有捷路通郡城中軍帳後通峽陽前通溪源諸處有鄰警則屯此以候望焉建炎間郡守張翥建立

湖頭寨

城東十里面溪背山前建浮梁宋建炎中徹入寇郡守張翥設伏於此射殺之

陽門寨

宋元豐三年建隸劍津縣左翼軍

桐嶺寨

城西梧桐嶺宋嘉定七年提舉劉允濟建

滄峽寨

在滄峽鎮上宋元豐三年建

弓兵營

在城將順門外宋嘉定五年郡守陳宓縣尉張元簡建越二年壞於洪水端平



三年郡守董洪縣  
令趙希繁重建

附廢四鎮

羅源鎮 城西對岸羅源

西津鎮 沙順二水合流處

東津鎮 鑿灘范廸簡所居地

靜江鎮 今哈峽巡檢司處

元初以兵增戍諸路有萬戶翼萬戶府縣有千戶

所又有巡軍弓手並隸巡檢司 其時福建有會軍制無可攷

附明兵制

一曰衛兵洪武初年自京師達於郡縣皆立衛所

延平衛統於福建行都司轄前後左右中五千

南平縣誌

卷之六

兵防

六

戶所衛設旗軍共五千六百人其取兵之法或

簡戶丁或調他省或弛罪徒配伍皆世籍之守

城者謂之見操軍把隘巡河者謂之撥差軍 孔志

云把巡處凡八坵墩秋竹兵各二十人砂溪二十人詔州十三人桔溪茶洋二十一人龍源二

十四人尤溪口十五人每處官一員三月一踐更

月給以米 軍米八斗小旗九斗六升總旗一石二十交於豐衍倉

又取籍涉之產及廢寺田分所軍之半屯種人

授三十二畝 清志云屯田九所左所二一在未安一在閩縣右所二一在永福前所二一

在閩清中所二一在懷安後所一在候官原額共田地



五百二十四頃五十七畝六分四厘後增二十  
七頃二畝六分七厘

輸賦六石徵正銀二錢五分耗銀一分一毫以  
米輸倉曰本色以銀輸官曰折色綠地遠近制  
之凡甲冑干戈之類本衛軍匠製之器有定式  
有成數無事則籍而藏之庫有事則發而給之  
兵事竣復歸於庫其銃炮火藥之類置局以藏  
之衛所之軍番上京師謂之班軍明初以武爲  
重軍政脩飭都指揮使與布按並稱三司爲封疆大吏專閫重臣文武亦無定職  
正德以來軍職冒濫爲世所輕兵帥如走卒重

南平縣誌

卷之六

兵防

七

以隱占虛冒諸弊嘉靖時延平衛軍見存守城  
操練共一千九百八十二名撥出九所屯田共  
一千七百五十名然大率脩名行伍而私習他  
技藝充別差役以爲衣食計者亡慮大半其操  
練之時則應名爲擊刺抽旋超距之狀盛其容  
衛以避責一時已乃復他業如故至不足以任  
戰守而欲責以禦敵建勲難矣

一曰弓兵宋元時皆設明代因之凡要害去處設  
巡檢司巡緝括民丁役之南平滄峽大厯二巡



檢司各弓兵三十人復其家孝宗時以田賦定

差役官給之每民歲給銀七兩二錢民間雇直數加倍嘉靖末倭寇

擾軍門以各司弓兵多逃議減其數征贏充餉

以供客兵弓兵之兵徒存而已

一曰民兵即民壯或稱機兵洪武初沿元制立管領民兵

萬戶府後從山西行都司言聽邊民自備軍械

團結防邊閩浙苦倭指揮方謙請籍民丁多者

為軍尋以為患鄉里詔閩浙互從時已用民兵

然非招募也正統二年始募所在餘民壯願自

南平縣誌

卷之六

兵防

八

效者十四年令地方各募民壯隨處操練遇警

調用景泰間柄兵者建議凡臨敵失一軍以上

與失機罪同於是設機兵焉官給鞍馬器械時

練而用之復其本戶丁糧復本戶糧五石戶二丁

洪治二年立僉民壯法凡州縣七八百里者每里僉五人五百里四三

百里以上南平共僉二百五十名春夏秋月操二

次冬操三歇三遇警調遣官給行糧而工食則

給於里甲丁糧歲七兩二錢初曰快手十年一代後

更曰民壯正德時工食取之田賦役者雇直官



歲給之用以守關隘追盜賊巡捕官督之亦宋鄉兵遺意久之惟征工食雇役謂之募兵嘉靖末軍門又於其中選標兵隸麾下奏增其直而減其數每名倍追工食十四兩四錢簡其半為團操者每工食十兩八錢半為防守者每工食七兩二錢餘概充餉蓋是時平倭之後當事以土著之兵衛所之兵槩不堪用而戚繼光所平閩寇皆用浙兵於是閩中善後預防之兵率歲調於金華謂之客兵是故衛兵之廢不脩而復建民兵民兵之練日弛而轉倚客兵法外立法弊中生弊徒剝民自弊耳

崇正間裁革機兵四十名併裁工食一千四百二十兩有奇機兵亦僅有名焉已

南平縣誌

卷之六

兵防

九

一曰士兵考明史衛所之外郡縣有民壯邊郡有土兵南平原未設嘉靖間寧洋山寇竊發尤溪永安大田之民並受其害郡守周賢宣設法招撫得四百三十人建營於水南每人月給以餼領以頭目三人把總一人益以機兵五十人團練之名為南營

國朝廢原兵順治初延平衛設掌印守備左右中前後五所設千總百總後專用鎮兵延協設副將轄左右兩營馬步守兵共一千六百二十六名



乾隆三年兩營各裁步戰兵二名守兵二名歸  
福州城守左軍新設屏南汛乾隆八年兩營各  
裁步戰兵一名守兵一名歸詔安營新設花嶺  
汛現在左營馬戰兵八十一名五十七名存城  
步戰兵二百九十五名一百四十七名存城守  
兵四百二十六名一百一十五名存城已上馬  
步戰守兵除各官養廉及公糧外寔在存城共  
二百八十五名餘撥各塘及順將充三縣官坐  
馬三十二疋兵戰馬八十一疋歲需俸餉閏銀  
一萬五千七百一十五兩五分六厘八毫右營  
馬戰兵八十一名五十七名存城步戰兵二百  
九十五名一百四十三名存城守兵四百二十  
六名一百四十名存城已上馬步戰守兵除各  
官養廉及公糧又貼防各塘外寔在存城共二  
百六十六名餘撥各塘及沙永犬三縣官坐馬  
二十疋兵戰馬八十疋歲需俸餉閏銀一萬五  
千二百二十兩九錢四分八毫兵米見田賦注

南平縣誌

卷之六

兵防

十

雍正七年奉

上諭朕為在京八旗兵丁悉心籌畫其家若有吉凶  
之事需用之費無所取辦一時拮据寔為可憫  
特給內庫銀兩令王大臣等營運生息以備兵  
丁一時之用今思外省駐防滿州漢軍兵丁等  
亦當一體加恩汪寧杭州西安京口荊州廣東  
福建寧夏右衛共九處每處賞銀二萬兩天津  
河南潼關下滿城都共五處每處賞銀一萬兩  
俱着於布政司庫內支給交與該將軍副都統



等公全存貯營運生息如該處駐防兵丁家有  
吉凶之事將息銀酌量賞給以濟其用

延平兩營於雍正十年領帑本銀三千二百二

十八兩開廣恩當舖營運生息因當寡息微於

乾隆三年移解鹽道衙門借給鹽商廖恩光等

代運又於乾隆九年將剩息銀四百五十兩給

當商林密等領運又奉文自乾隆十四年起歸

還司庫原本現在以息作本計銀三千六百七

十八兩每兩月息一分五釐應收息銀六百六

南平縣誌

卷之六

兵防

士

十二兩四分每兵吉事賞銀三兩凶事賞銀四  
兩

副總府

在天河邊坊舊在酒務巷 國朝康熙五  
十年燬移駐今所舊址改為箭道

都司署

在天河邊坊原右營守府 嘉慶  
新設

左營守府

在梅山寺坊 嘉慶  
年移駐將樂

右營守府

在天河邊坊今為都司署 嘉慶  
年本營移駐永安

千把公署

在迎仙坊原廣恩當舖今廢

提鎮行臺

在酒務巷坊較武圃場內



演武場

即較場在縣治東門外演仙下里周圍一百十丈八尺原屬民田設較場後苗派演

仙里每六升作七升計今之七升丈即其地糧也舊時馬道不平演武廳朽壞乾隆

二十三年副將李如筠知縣趙愛各捐俸重建屋二十四間東邊打靶亭一所

教武圃場

即箭道在酒務巷坊本舊協署基乾隆年間副將李如筠因城外演武場遼遠

以此時率兵弁較射向稱射圃三十年始改今名

火藥庫

在普通寺左三皇殿舊址原在北鎮街十烈祠邊康熙五十四年知府任宗延移建

今所

軍裝庫

在酒務巷坊舊協鎮署乾隆三十年協鎮李如筠建

威遠樓

在北門城堞上最高可以望遠一名敵樓

南平縣誌

卷之六

兵防

十三

窩舖

繞城共六十四所左屬左營右屬右營

炮臺

繞城三十二座左屬左營右屬右營

炮位

無炮房收貯城樓大東門六位小東門七位延福門二位西門五位南門三位北門七位

水陸塘汎

康熙五年總督張朝璘檄行府縣凡水陸險要處所每十里設立塘房望樓安

兵守把每險處十名山僻處五名巡哨水路則上下船隻過晚灣泊支更防護陸路商賈經過務保無虞其兵即在延營經制內撥

左營管轄二十五塘共兵一百十一名

除養廉公糧外寔壹

百零一名

南路



陸塘水東底 三名  
十里庵 五名  
麻黎 五名

安濟 五名  
桔溪 五名  
金砂 五名

茶洋 五名  
岳溪 六名  
龍源 五名

清風 五名  
武步 五名  
嶓峽 六名外  
委一員

跟丁 一名

水塘土埠洲 二名  
九里潭 二名  
蛟坑 二名

鐵場 二名  
漳湖坂 二名  
千總一員  
跟丁五名  
字識一名  
已上

路赴省

山塘羅源 二名  
鳩源 二名  
大蓋 二名

南平縣誌 卷之六 兵防 三

龍巖寨 三名  
已上  
赴尤溪路  
雙髻鴉 三名

巨口 三名  
遵教 三名  
大演 三名

右營管轄三十一塘共兵一百六名  
除養廉公糧外  
寔兵九十

名六

東路

陸塘水東 三名  
坵墩 五名  
上京 五名

高桐 五名  
大橫 五名  
外委一員  
跟丁一名

水塘埂 三名  
黥淡灘 三名  
已上  
赴建寧府路

南路



陸南門 三名 秋竹 二名 西芹 二名

發竹 二名 砂溪 五名 渡頭 二名

青州峽 三名

水渙船窟 二名已上 赴沙縣路

北路

陸城門衙 二名 吳坑 二名

王臺 四名千總一員跟 丁五名字識一名 紫嶺埧 二名

樟槎 二名 箕管 二名 三連 三名

水鷓鴣口 二名 浪石 二名 峽陽 二名

南平縣誌 卷之六 兵防 古

詔口 二名 燕子巖 二名 王埠 二名

高梧 二名已上 赴順昌縣路

山長窠嶺 三名 巖頭亭 三名已上 赴峽陽路

嘉慶十二年十二月知縣楊桂森捐俸新建腰塘

九座坐址西北路詳明撥兵防守督緝奸匪

沙溪上綏靖塘 渡頭上泰安塘

又沙溪上永靖塘 城門衙上永寧塘

吳坑上永安塘 王臺上興福塘

紫嶺上新興塘 樟槎上長安塘



箕營上聯陞塘

馬塘

水陸塘外水東清風二處加馬兵四名以為  
接遞提督奏摺差使如遇軍政年於嶮峽清  
風岳溪金沙安濟十里庵上京大橫並西路  
南門底塘西芹沙溪王臺樟槎洋坑尾每逢

二十里添

馬兵二人

臺戍

臺平之後內地各營撥兵戍守各汛更番輪  
直三年一換

左營步戰守兵

一起撥戍臺城守營左軍二十二名南路下淡  
水營十二名北路中營十三名左營四名右營  
十名  
二起撥戍臺鎮中營二十六名左營三十六名  
右營四十一名北  
路淡水營十名

南平縣誌

卷之六

兵防

五

馬班

原派馬兵因臺灣無馬每馬兵一名易守兵  
三名撥戍臺鎮右營三名北路中營四名  
左營三名右營二名  
北路淡水營五名

以上通戰守兵壹百玖拾壹名郡汛撥六十三

名塘汛撥二十名餘撥順昌將樂尤溪汛

右營步戰守兵

一起撥戍臺城守營左軍二十二名南路下淡  
水營十一名北路中營十四名左營九名右營  
六名二起撥戍臺鎮中營三名左營七名右  
營十二名三起撥戍臺鎮中營二十三名左  
營二十五名右營三十  
三名北路淡水營九名

馬班

與左營同撥戍臺右營三名北路中營四  
名左營三名右營二名北路淡水營四名



以上通戰守兵一百九十一名郡汛撥五十八名塘汛撥二十三名餘撥沙縣永安大田汛

雍正二年奉

上諭前往臺灣換班之兵丁守戍海外巖疆糧餉在臺灣支給伊等所留家口若無力養贍則當差之兵丁必致分心苦累朕甚爲軫恤每月着給米一斗以資養贍內地米少卽動支臺灣所貯米石合計船價催募運至廈門交與地方官躬親按戶給發務使均沾實惠

南平縣誌

卷之六

兵防

六

雍正七年奉

上諭福建臺灣戍守之兵丁其父母妻子留在內地前已加恩每月給與米糧以爲養贍之資聞臺兵之例每月將所領錢糧扣留五錢於內地爲養贍家口之用朕思兵丁遠涉海洋所得餉銀又復扣除以養家口恐本身用度或有不敷今沛特恩於駐臺之兵丁每年賞銀四萬兩爲內地養贍家口之用着總督等均勻分派按期給發俾兵丁本身食用旣得寬舒而父母妻子之



在內地者又得養贍以示朕恤兵賞勞之至意  
今戍兵每名給路費銀一兩五錢每月贍養家  
屬米一斗折銀九分每季贍銀八錢四分八釐  
五毫八絲不分戰  
守一體支給

南平縣誌

卷之六

兵防

七



南平縣誌卷之六

兵勝

宋

建炎中建寇范汝為遣葉徹來寇延平攝南劍知

州張鬻禦之徹中矢死其二子復來鬻與統制

官任士安夾攻大破之

按宋史紹興元年建安范汝為亂辛企宗等討

捕未克賊愈熾以韓世忠為福建江西荆湖宣撫使詔討之世忠曰建居閩嶺上流賊沿流而下七郡皆血肉矣亟領步卒三萬水陸並進次劍潭賊焚橋世忠策馬先渡師遂濟抵鳳凰山五日城破汝為竄身自焚

南平縣誌

卷之六

兵勝

六

紹興元年建寇魏阿擁眾數千寇南劍州通判朱

倬擒獲之

按宋史是年二月廣賊龔富等圍南劍州二年七月悉蠲諸州被兵家田稅

淳祐間峽陽寇作知南劍州徐元杰擒渠魁八人

斬之餘悉平

元

至正十二年延建山賊起黃土寨巡檢陳有定討

平之

明

洪武中南平劇賊趙子貴為患知縣朱孟常捕置



之法

永樂間延平山寇猖獗

正統十三年鄧茂七作亂

監察御史柳華奉命巡按於閩警備盜賊時承

平日久境內晏然未聞桴鼓之聲華至檄各郡縣凡城郭鄉村之中大小巷道首尾俱令創立一隘門門上為重屋各置金鼓兵戈器械於其上又於鄉村之小者立望高樓於其中大者則立於四維乃編其各鄉民為什伍而設總小甲以統率之夜則輪番直宿於隘門之上鳴鼓擊柝以備不虞有不從令者聽總小甲懲治之而不悛者許總小甲聞官處問由是總小甲各得以號召其鄉之人而無敢或違者閩藩八郡蓋莫不然行路所至警備嚴肅氣象凜然若有大寇之將至者識者已知其不祥矣况其所編總小甲率多強梗狡黠之徒往往於其事外

南平縣誌

卷之六

兵勝

十九

別生枝節以豪奪於民沙縣民有鄧茂七者及其弟茂八是時寔編為其鄉之總甲鄉例佃田者歲還租谷外有新米鷄鴨之類以餽田主名曰冬牲至是茂七等倡鄉民草之田主亦莫如之何既而倡議佃田者合遷租谷令田主自脩脚力擔歸不許送至其家田主因訴於縣逮之茂七等率眾拒捕不服縣乃下巡檢司追攝茂七等因殺弓兵數人縣以聞上召官軍三百人往捕之茂七等又聚象格鬪官軍殺傷殆盡至是勢不容已乃刑白馬祭天歎血誓眾遂舉兵反時十三年之二月也旁近尤溪縣民亦聞風而起烏合之家日以益甚至十餘萬人於是僭稱王號偽署官職八閩為之騷動詔遣兵討之而以都督劉聚為總兵都督陳韶劉德新為左右叅將僉都御史張楷監軍賊猶未下十四年復命寧陽侯蔣懋為總兵保定伯梁瑤平江伯陳懋崇信伯費釗為副總兵都督范雄都督僉事董興為左右翼總兵太監曹吉祥陳梧監軍



刑部尚書金濂叅贊軍務御史丁瑄張海紀功  
是年二月茂七率其衆來攻郡城與官軍戰於  
水南爲亂兵所殺福建始平景泰元年其餘黨  
羅丕等復率其衆寇沙縣朝廷又命范雄及太  
監廖秀奉御馬討平之鎮守刑部侍郎薛  
希璉巡按御史陳員韜督知縣余寬撫卹瘡殘  
招輯流徙重建公署雖粗復舊觀然凋弊亦甚  
矣朝廷推究禍亂之由始置柳華於大辟而當  
時巡按御史汪澄柴文顯並罹酷禍焉詩曰不  
愆不忘率由舊章孟子曰遵先王之法而過者  
未之有也故古之爲政者兢兢焉務守其常法  
苟非有大利害不輕變也曹叅代蕭何爲相一  
遵何之約束而漢以治王安石爲相盡變祖宗  
之法度而宋以亂此千古之明鑑其可忽哉鄧  
茂七之亂固氣數使然然因柳華創立保甲之  
法使其有所憑藉而起則亦不可謂非人事有  
以致之也卒至於殺身亡家禍延生民罪及僚  
友可悲也夫予故考求其事之始末而脩志之

南平縣誌

卷之六

兵勝

三

以爲後之居官好  
更張者戒舊志

宏治十四年建州土寇王胡維作亂肆掠普安等  
鄉

嘉靖四十年永安人劉永祖妖言惑衆結寨於集  
峰之巔潛通賊陳明光從尤溪寇沙縣延平軍  
門譚倫都督劉顯屯兵延平郡守周賢宣領軍  
門把總鄧子龍以部兵百八人戰於沙邑琅口  
賊大敗遁去

是年古田寧德政和等縣寇入普安等鄉義總



祝士奇陸天朗率義勇鄉兵却之

四十一年古田寧德政和等寇掠保福遵教普安等鄉

四十二年古田等寇掠普安等鄉倭寇蔓延郡邑客兵往來延平絡繹不絕民無安居

萬厯間山寇吳建等以白蓮教惑衆倡亂延建間朱都督檄官兵擒之餘黨始散

崇正間梅平州賊犯南平調南營兵勦之

國朝

南平縣誌

卷之六

兵勝

三

順治四年土寇竄起延蔓八府秋七月吳長文謝七寶等陷建寧延平亦先後被掠進圍劍城總兵張國柱守道曾延孔却之

五年二月葛寇梅南蓼地民居盡遭焚燒  
僅存二植

九年陳統黃雲紀等分據大掛漳湖坂各處爲亂副將張天祿擒雲紀等賊衆四百餘人寇平十年餘西周文璋竊發跨踞餘東陳維綱林新起等劫掠餘東等處官兵獲吳進弟周昌等維



綱新起投誠編入保甲是時李京倡亂於橘溪等處張有弟嘯聚於大外等處叛賊數百突入長安等處蜂掠殺人擒去男婦縛歸尤溪縣十七都漳溪寨官兵捕之尋潰去

康熙十三年耿精忠反僞都督曾養性率兵來寇九月大師至延民獲安全